

默
錢氏私誌
經筵玉音問答

王文正公筆錄
辯誣筆錄
梁谿漫志附錄



經筵玉音問答

胡銓撰

中華書局

經筵玉音問答

宋 廬陵胡 銓邦衡撰

隆興元年癸未歲五月三日晚。侍上於後殿之內閣。蒙出示答金人書藁。上謂予曰。內中有未善處。卿宜仔細說出。予答曰。出於天筆。小臣何敢有所妄議。蒙賜金鳳箋。就所御玉管筆。并龍腦墨。鳳硯。又賜以花藤席。命予坐於側。草換書。上謂予曰。朕以此禮待卿者。恩至渥也。金人無禮。書中務要得體。當不諛不僭。予以草換書藁進呈。上自讀數次。又親改數字。上曰。卿之才識學問。可謂過朕。又曰。當封呈太上皇。時將日暮。上喚內侍蘭香。燃金花燭二炬。又喚玉梅取扇。上謂予曰。今夕熱。寢宮逼窄。不若中書卿所臥處涼。予答曰。中書固多涼處。然臣老病之軀。必擇煖處方可睡。幸所寢處有兩槐樹。終夕可以不扇。但恐砌蛩聒耳可惡。旨喚內侍廚司滿頭花辦酒。上坐於中。御七寶交椅。繡龍曲屏風。旨以青玉團椅兀。賜予坐於東向之側。旨謂宦子王隆曰。胡侍讀年老。豈可無椅坐者。乃入內取通硃螺鈿屏風至。旨謂予曰。此乃朕向來普安邸。太上所賜物也。上御玉荷杯。予用金鴨杯。初燕。上自取酒。令潘妃唱賀新郎。旨令關香執上所飲玉荷杯。上注酒。顧予曰。賀新郎者。朕自賀得卿也。酌以玉荷杯者。示朕飲食與卿同器也。此酒當滿飲。予乃拜謝。上自以手扶謂予曰。朕與卿老君臣一家人也。切不必事虛禮。賀新郎有所謂相見了。又重午。旨謂予曰。不數日矣。又有所謂荆江舊俗。今如故之說。上親手拍予背曰。卿流落海島二十餘年。

得不爲屈原之葬魚腹者。實祖宗天地留卿以輔朕也。予忽流涕答曰。小臣三遷嶺海。命出虎口。豈期今日再見天日。上亦拭淚曰。卿被罪許久。可謂無辜。天下知之。不在多說。乃就坐。食兩味八寶羹。上謂予曰。此味極佳。內有蚌肉。猶可喫飯。予答曰。臣向在新州。日食海味。但於此則開胃。上謂予曰。此乃前日瓊守張英臣所進者。予奏曰。酒行食遍。恩浹意洽。且暑熱。不敢久侍清光。上答曰。今夕之會。正朕與卿聚會之便。幸無多辭。上謂予曰。熱甚。朕已去繡紗裯子。訖。卿亦可便服。予乃更青紗夾深衣以待。旨言書字。予答曰。前輩謂凡人書字。象其爲人。今知信然。上謂予曰。朕在東宮時。只習徽祖字。更習太上字。予答曰。此兩字格。愈絕前聖。上問予曰。卿所寫字。宛如卿之爲人。予答曰。臣幼習唐朝顏真卿字。今自成一家。豈應上挂齒頰。上曰。朕前日侍太上皇於德壽宮。閣上治疊書畫。因得卿紹興戊午所上封事真本。太上與朕玩味久之。喜卿辭意精切。筆法老成。英風義氣。凜凜飛動。太上自藏之曰。可爲後代式。但其後爲秦檜之所批抹汚者。朕啓太上。令工匠逐行裁去裝裱。予乃答曰。小臣平生習字多類此。豈謂此奏至今應於聖賢篋笥中。且三遭謫逐。生不能保。獨賴太上及陛下二天之力。俾晚復得入侍。爲幸多矣。頃上謂予曰。朕無事時。思卿赴貶之時。心思如何。予答曰。只是辦著一片至誠心去。自有許多好處。次殘。予執尊立於上前。曰。臣嶺海殘生。誤蒙知遇。天詔俾之還鄉足矣。復賜之錄用。寵矣。今乃賜之以百世之恩。真小臣萬載之幸。前杯已誤。天手賜之酒矣。但禮有施報。小臣固不當以草茆之語。上瀆神聰。適面奉玉音。有君臣相聚一堂之說。用敢不避萬死。輒捧玉卮。一則以上陛下萬歲之壽。二則以謝陛下賜酌百世之恩。三則以見

小臣犬馬之報。乃執罇再拜酌酒。上再三令免拜。亦且微揖。潘妃執玉荷杯。唱萬年歡。此詞乃仁宗親製。上飲訖。自執罇坐。謂予曰。禮有報施。乃卿所言。余再三辭避。蒙旨再三勸勉。上乃親唱一曲。名喜遷鶯。以酌酒。且謂予曰。梅霖初歇。惜乎無雨。予乃恭揖飲訖。各就坐上。謂予曰。朕昨苦嗽。聲音稍澁。朕每在宮。不妄作此。只是侍太上宴。間被上旨令唱。今夕與卿相會。朕意甚歡。故作此樂。卿幸勿嫌。予答曰。方今太上退閒。陛下御宇。政當勉志恢復。然此樂亦常有時。上答曰。卿頃雲不忘君。真忠臣也。雖漢之董汲。唐之房魏。不過是也。食兩味鼎。煮羊羔。胡椒醋子魚。上謂予曰。子魚甚佳。朕每日調和一尾。可以喫兩日飯。蓋此味若以佳料和之。可以數日無餒腐之患。予答曰。陛下貴極天子。而節儉如此。真堯舜再生。上謂予曰。朕所爲非強。乃天性然。因舉所服濟黃鋪茸緇鳳汗衫。謂予曰。朕此領汗衫。已著兩年。今計尙可得數年。又舉所著阜羅鞋。謂予曰。朕此鞋。原是皇后做與太上皇著者。覺稍短。朕著得及。則今已三箇月矣。向侍太上前時。見太上喫飯。不過喫得一二百錢物。朕於此時。固已有節儉之志矣。此時秦檜方專權。其家人一二百錢物。方過得一日。太上每次排會內宴。止用得一二千。檜家一次。乃反用數百千。太上與朕一領汗衫。著一兩年。檜家人一領汗衫。止著得數日。卽棄去。朕所以日夜切齒嘆息也。又謂予曰。太上近日賜朕真紅羅銷金團龍汗衫一領。太上親書一批與朕。曰。此領汗衫。乃吾著者。已十八年矣。但色佳。今賜吾兒。汝當念之。朕藏此領汗衫甚謹。朕不輕著。只往德壽宮。及朔望臨朝。與大祭祀。則用此襯袞衣。乃太上生平所愛著者。是太上所賜朕者。遂令貴妃取此領汗衫以示予。予進奏曰。陛下天性恭儉。真太上之賢子。

小臣之賢君也。次盡。蒙旨潘妃取玉龍盞至。又令蘭香取明州鰕鮑至。特旨令妃勸子酒。子再辭不獲。上旨謂妃曰。胡侍讀能飲。可滿酌。歌聚明良一曲。上撫掌大笑曰。此詞甚佳。正愜朕意。上又謂子曰。此妃甚賢。雖待之以恩。然不至如他婦人。卽唱勸酒事。便可見矣。上又令妃酌酒。上飲訖。謂子曰。卿可酌一杯以回妃酒。子曰。內外事殊。小臣今夕蒙恩如此。使臣殺身以報陛下。則所當然。欲使臣酌酒以回妃。則不可。臣恐明日朝臣議臣之非。上乃拱手答曰。朕知卿此心忠直。通於神明。此朕之誤言也。子遂又取酒再拜勸。上躍然滿飲之。又自取酒親酌賜子。上曰。酒後不可不喫龍次。子答曰。臣向在海外。渴甚。惟以鷓鴣沈香小片。嚼數片。却以清茶嚥下。非惟齒頰香辣。且酒渴頓醒。乃以玉匣貯鰕鮑數片至。上謂子曰。此香乃太上去年冬自合者。上自嚼一片。餘悉以賜子。凡七餅。子乃嚼其一。上又喚蘭香取茶以進。子亦被賜一杯。食兩味。胡椒醋羊頭真珠粉。及炕羊炮飯。上謂子曰。炕羊甚美。食畢。上乃移步至明遠亭上。坐於東向坐板上。子立侍。蒙旨令坐。就西向坐板上側坐。又索茶。乃以龍涎香盞遞兩盞至。子拜賜一盞。訖。余乃辭曰。夜已三鼓。恐聖躬疲倦。上曰。尚可餘時。上旨喚王先入池取藕蓮實。剝去取玳瑁盤。以水泛而進。上又索酒。再酌滿飲。子亦滿飲。上謂子曰。卿向在海南時。爲詩必多。子答曰。臣向居嶺海時。日率作詩十數首。初任福州僉判。以詩詞唱和得罪。故遷新州。及居新州。又以此獲譴。復徙吉陽軍。甚矣。詩詞能禍人也。如此。今旣蒙錄用。靜思二十年前。爲之墮淚。上答曰。桑田變爲大海。大海變爲桑田。古字今宙。多少更易。此事非特卿墮淚。朕亦不知幾枚淚矣。世事殊異。無可奈何。子又奏曰。臣向者謫新州時。兄錄在家。生母曾

氏在堂。臣只攜妻劉氏在任所。臣長男泳。乃紹興戊午冬生於姑蘇。次男澥。乃戊辰夏生於新州。次男決。乃甲戌生於吉陽軍。甲戌春正月八日。臣生母曾氏喪於家。而臣不知。於五月四日。方收家問。臣惟有朝夕躑躅痛哭。恨此身不卽死。與母相見於黃泉。予言之不覺淚下。上亦愀然揮淚曰。朕向侍太上時。聞徽宗計。太上爲之不飯食者數日。生離死別。上下同一懷抱。予又奏曰。夜已四鼓。玉體疲倦。上曰。未。王先復奏曰。鷄已唱矣。上曰。朕若與宦官女子酣飲微旦。則不可。朕與胡侍讀相聚。雖夜以繼日。何害焉。又與予同凭欄杆。曰。月白風清。河明雲淡。這樣樂處。惟朕與卿同享之。頃聞天竺鐘聲。池畔柳中鷓鴣噪矣。上曰。果然天明。予乃再拜謝恩。上握手謂予曰。昨夕之樂。願卿勿忘。予答曰。小臣當圖報陛下。且尙有侍宴之日。於是侍上入內。至候春門。予揖退。至中書。遠望正門已啓。百官畢聚候朝。梅谿王十朋問曰。何來。予乃大笑。握其手曰。老夫夜來終夕不寢。今歸自天上。此段奇事。兄豈容不知。於是卽盥洗更衣朝服而見。予半生嶺海。晚遇聖天子擢用。一歲之間。凡九遷其職。一月之間。凡三拜二千石之命。十拜遷秩之旨。至於隆興癸未夏。侍宴之恩。古今無比。予老矣。風燭可虞。謹親書於後。以爲後人之徵。嗚呼。天語諄勸。後之子孫。當永保之。以無墮予志。

淳熙丁酉七夕。澹菴老人胡銓跋之以示男泳。澥。澥姪孫堦周鐸。

右云經筵玉音問答。乃予隆興癸未侍宴所記也。原有予當時親札藁一小冊。爲澥姪取去。日後切不可落附他姓之手。又有正本一卷。乃吏札也。視予親札者反無失。天語諄勸。後人可以憑信。故又以吏